

U G O V O R

o nabavci: "Usluge istraživanja i izrade Glavnog projekta sanacije klizišta Malešići-Golaći"

Zaključen dana 15.12.2015. godine

I – UGOVORNE STRANE

1. Općina Gračanica, ul. Mula Mustafe Bašeskije, zastupan po Općinskom Načelniku Nusretu Heliću, (ID broj: 4209387060007, PDV broj: 209387060007, Transakcijski račun: 1610250034280041 kod "Raiffeisen Bank" DD BiH, Telefon, broj: 035/700-805, u daljem tekstu: Naručilac)
- i
2. „INSTITUT ZA GEOTEHNIKU I GEOLOGIJU“ Građevinski fakultet Univerziteta u Sarajevu, ul. Stjepana Tomića br. 3, 71000 Sarajevo, koje zastupa Dekan, Prof.dr.sc. Mustafa Hrasnica, (ID broj: 4200287770000, PDV broj: 200287770000, Transakcijski račun: 1610000002610184 kod "Raiffeisen Bank" DD Sarajevo, telefon, broj: 033/278-427, u daljem tekstu: Izvršilac)

II – PREDMET UGOVORA

Član 1.

Predmet ovog Ugovora je: "Usluge istraživanja i izrade Glavnog projekta sanacije klizišta Malešići-Golaći", gdje je potrebno izvršiti usluge prema Ponudi, broj: 04-1-1599/15 od 02.12.2015. godine (naš broj: 02-3746/2015 od 09.12.2015. godine), a koje trebaju biti u skladu sa članom 100. Zakona o prostornom uređenju i građenju („Sl. novine TK“, broj: 6/2011) i Tehničkim normativima.

Glavni projekat treba isporučiti u slijedećem broju: 3 (tri) primjeraka u printanom obliku (ovjereni) i 3 (tri) primjeraka u digitalnom obliku.

Član 2.

Naručilac povjerava, a Izvršilac usluga se obavezuje da će usluge koje su predmet ovog Ugovora izvršiti kvalitetno i stručno, u skladu sa Zakonom o prostornom uređenju i građenju („Sl. novine TK“, broj: 6/2011) i Tehničkim normativima, i prema Ponudi, broj: 04-1-1599/15 od 02.12.2015. godine (naš broj: 02-3746/2015 od 09.12.2015. godine), koja je sastavni dio ovog Ugovora.

III – CIJENA I NAČIN PLAĆANJA

Član 3.

Cijena ugovorenih usluga, na bazi fiksnih jediničnih cijena i količina datih u priloženoj Ponudi Specifikacije usluga Izvršioca usluga bez uključenog PDV-a iznosi: 5.500,00 KM, slovima: (pethiljadapetstotina konvertibilnih maraka).

PDV po stopi od 17% iznosi: 935,00 KM, slovima: (devetstotinatridestpetkonvertibilnih maraka).

Ukupna vrijednost ugovora iznosi: **6.435,00 KM sa PDV-om**, slovima: (šesthiljadačetiristotinetridestpetkonvertibilnih maraka).

Član 4.

Ugovorena cijena obuhvata izvršenje usluga i porez prema zakonskim propisima. Cijene su fiksne i ne mogu se mijenjati.

Član 5.

Naručilac se obavezuje da će ugovorenu cijenu platiti Izvršiocu usluga na slijedeći način:

- 30% avans,
- 70% nakon isporuke dokumentacije iz predmeta Ponude.

IV – ROK IZVRŠENJA USLUGA

Član 6.

Izvršilac usluga je dužan da usluge izvrši u roku od 30 (trideset) kalendarskih dana od dana potpisivanja ugovora i dostavljanja podloga.

Član 7.

Izvršilac usluga ima pravo na produženje ugovorenog roka, ako je u izvršavanju usluga bio spriječen vanrednim događajima kao što su viša sila (poplava, zemljotres i sl.).

Član 8.

U slučaju kašnjenja po ovom Ugovoru Izvršiocu usluga će se obračunati kazneni penali u visini od 0,2% od ukupne vrijednosti ugovorenih usluga za svaki dan kašnjenja, a najviše do 10% ukupne vrijednosti ugovorenih usluga.

U slučaju prekida izvršenja usluga Izvršilac usluga je obavezan izvijestiti Naručioca o vremenu i razlozima prekida izvršenja usluga.

V – OBAVEZE IZVRŠIOCA USLUGA

Član 9.

U toku izvršenja usluga Izvršilac usluga se obavezuje: da usluge izvršava stručno i kvalitetno u skladu sa važećim propisima iz ove oblasti.

VI – OBAVEZE NARUČIOCA

Član 10.

Naručilac se obavezuje da će ugovorenu cijenu platiti Izvršiocu usluga na način kako je predviđeno ovim Ugovorom.

VII – OSTALE ODREDBE

Član 11.

Ugovor se ne može raskinuti zbog neizvršenja neznatnog dijela ugovorenih obaveza.

Član 12.

Ugovor se raskida pismenom izjavom koja se dostavlja drugoj ugovornoj strani navodeći u izjavi po kom osnovu i zbog čega se Ugovor raskida.

Član 13.

Ako se Ugovor raskine krivicom Naručioca on je dužan da Izvršiocu usluga plati usluge koje su izvršene, a ako se Ugovor raskine krivicom Izvršioca usluga, Naručilac je dužan da mu plati izvršene usluge, a Izvršilac usluga je dužan da Naručiocu nadoknadi štetu proisteklu raskidom Ugovora.

Član 14.

Za sve što ovim Ugovorom nije predviđeno i regulisano primjenjivat će se odgovarajuće odredbe Zakona o prostornom uređenju i građenju ("Sl.novine TK", broj: 6/2011) i odredbama Zakona o geološkim istraživanjima ("Sl.list R BiH", broj: 3/93).

Član 15.

Na sve odnose i institute koji nisu navedeni u Ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 16.

Ugovorne strane su saglasne, da sve eventualne nesporazume koji bi proistekli iz provođenja Ugovora riješe sporazumno i na obostranu korist, a u slučaju spora određuju nadležnost Općinskog suda u Gračanici.

Ugovorne strane su saglasne da Izvršilac ugovora nema pravo zapošljavati u svrhu izvršenja ugovora fizičke i/ili pravne osobe koje su sudjelovale u pripremi tenderske dokumentacije ili su bile član ili stručna osoba koju je angažirala Komisija za nabavke u postupku koji je prethodio ovom ugovoru, najmanje šest mjeseci po zaključenju ugovora, odnosno od početka realizacije ugovora.

Član 17.

Sastavni dio ovog ugovora je fotokopija Specifikacije usluga iz Ponude, broj: 04-1-1599/15 od 02.12.2015. godine (naš broj: 02-3746/2015 od 09.12.2015. godine).

Član 18.

Ugovor je sačinjen u 7 istovjetnih primjeraka od kojih su Izvršiocu usluga uručena 2 primjerka, a ostale zadržava Naručilac.

ZA IZVRŠIOCA USLUGA
„INSTITUT ZA GEOTEHNIKU I GEOLOGIJU“
Građevinskog fakulteta Univerziteta u Sarajevu

Mustafa Hrasnica, Dekan

ZA NARUČIOCA
OPĆINA GRAČANICA

Nusret Helić, Općinski načelnik

Broj: _____

Broj: 02-28-3697-5/2015